



მოთხოვნა საგრანტო განაცხადზე (RFA)

No. 049-2005-007-S-2018

გამოქვეყნების თარიღი: **2018 წლის 30 მარტი**
განაცხადის გაკეთების **ბოლო ვადა 2018 წლის 30 აპრილი, 18:00 სთ**

აშშ საერთაშორისო განვითარების სააგენტოს (USAID) პროექტი *ზრდა საქართველოში* და სსიპ საარსებო წყაროების სააგენტო აცხადებენ ერთობლივ საგრანტო კონკურსს 240 კვ.მ. **სასათბურე მეურნეობების მოწყობის მხარდაჭერის მიზნით**. საგრანტო პროგრამის ჯამური თანხა შეადგენს 200 000 ლარს, რომელიც გამოყოფილია ზრდა პროექტისა და საარსებო წყაროებით უზრუნველყოფის სააგენტოს თანაბარი თანხობრივი მონაწილეობით. გრანტების გაცემა განხორციელდება პროექტ ზრდას გრანტების მართვის შინაგანაწესის, სსიპ საარსებო წყაროებით უზრუნველყოფის სააგენტოს რეგულაციების და ასევე USAID-ისა და ამერიკის შეერთებული შტატების სამთავრობო რეგულაციების შესაბამისად.

თითოეული საგრანტო განაცხადის დაფინანსებისათვის სააგენტოს წილობრივ მონაწილეობად განსაზღვრულია სასათბურე კონსტრუქციის, ბენეფიციარის კუთვნილ მიწის ნაკვეთზე მისი ტრანსპორტირებისა და მონტაჟის ღირებულება, არაუმეტეს 5 000 ლარისა. პროექტ ზრდას თანამონაწილეობა სასათბურე ფირისა და ვენტილაციის სისტემის, ბენეფიციარის კუთვნილ მიწის ნაკვეთზე მისი ტრანსპორტირებისა და მონტაჟის ღირებულება, არაუმეტეს 5 000 ლარისა, ხოლო ბენეფიციარის თანამონაწილეობა არ უნდა იყოს 900 ლარზე ნაკლები.

აპლიკაციის შევსებასთან დაკავშირებით არსებულ შეკითხვებზე პასუხის მისაღებად ზრდა პროექტი და სააგენტო გამართავენ საინფორმაციო შეხვედრებს პოტენციურ აპლიკანტებთან, შემდეგი განრიგის მიხედვით:

2018 წლის 12 აპრილი, გორი, სტალინის 27, 11:00 სთ

2018 წლის 13 აპრილი, რ. ლალიძის ქუჩა #3, ზუგდიდი (საქველმოქმედო ჰუმანიტარული ცენტრი “აფხაზეთის” ოფისი) , 11:00 სთ

2018 წლის 16 აპრილი, მარნეული , რუსთაველის 48, 12 სთ

ზემოთ ხსენებულ შეხვედრებზე, დაინტერესებულ აპლიკანტებს საშუალება ექნებათ მიიღონ პასუხები კითხვებზე, მათ შორის მითითებები აპლიკაციის შევსებასთან დაკავშირებით.

გარდა საინფორმაციო შეხვედრებისა, პოტენციურ აპლიკანტებს შეუძლიათ შეკითხვები გამოაგზავნონ წერილობითი სახით, ელექტრონულ ფოსტაზე: subawards@zrda.ge, არაუგვიანეს **2018 წლის 20 აპრილისა, 18:00 სთ**. ზრდა უპასუხებს ყველა რელევანტურ შეკითხვას და პასუხებს გამოაქვეყნებს როგორც პროექტის ფეისბუქის გვერდზე, ასევე ოფიციალურ ვებ გვერდზე www.zrda.ge, არაუგვიანეს **2018 წლის 23 აპრილისა**. გთხოვთ გაითვალისწინოთ, რომ არ მოხდება კითხვებზე პასუხების ინდივიდუალურად გაცემა/გაგზავნა.



ზრდა პროექტის თანამშრომლებს არ აქვთ უფლება მოითხოვონ, ხოლო აპლიკანტებს ეკრძალებათ შესთავაზონ მათ ფული, საკომისიო, გასამრჯელო, წილი, საჩუქარი, ფულადი საჩუქარი, ღირებული ნივთი ან კომპენსაცია იმის სანაცვლოდ, რომ დაუმსახურებლად მოიპოვონ ან მიიღონ ხელსაყრელი

პირობები აღნიშნულ მოთხოვნასთან დაკავშირებით. პროექტის თანამშრომლისგან ნებისმიერი შეუფერებელი მოთხოვნის შესახებ უნდა ეცნობოს პროექტის ხელმძღვანელს ან გაიგზავნოს შეტყობინება, ელექტრონულ ფოსტაზე BusinessConduct@chemonics.com.

ქვემოთ მოცემულია დოკუმენტების სია, რომლებიც წარმოადგენენ წინამდებარე მოთხოვნის დანართებს.

- **დანართი A** - განაცხადის ფორმა;
- **დანართი B** – მონაწილეობისთვის აუცილებელი კრიტერიუმები და მოთხოვნილი დოკუმენტაციის ჩამონათვალი
- **დანართი C** - ზრდა პროექტის სამიზნე თემების / სოფლების ჩამონათვალი.
- **დანართი D** - საგრანტო კონკურსთან დაკავშირებული მნიშვნელოვანი თარიღები
- **დანართი E** - 240 კვ.მ. სათბურის მოწყობის ხარჯების გადანაწილება
- **დანართი F** - სპეციალური პირობა

ნაწილი I. პროგრამის აღწერილობა

IA. მიზანი

სოფლად განსახლებული დევნილების შემოსავლის ზრდა და მათი სასოფლო სამეურნეო ინიციატივების მხარდაჭერა საგრანტო პროგრამის საშუალებით.

საგრანტო პროგრამა ითვალისწინებს საქართველოს ოკუპირებული ტერიტორიებიდან იძულებით გადაადგილებულ პირთა, განსახლების და ლტოლვილთა სამინისტროს, „სახლის შესყიდვის პროექტის“ ფარგლებში დაფინანსებული ბენეფიციარებისთვის სასათბურე მეურნეობების მოწყობას. პროგრამა ვრცელდება ზრდა პროექტის სამიზნე 17 მუნიციპალიტეტის 81 თემში. პროგრამის ფარგლებში დაფინანსდება 240 კვ.მ. სასათბურე მეურნეობების მოწყობა პროგრამის სამიზნე ბენეფიციარებისათვის. ბენეფიციარს შეუძლია აირჩიოს სამი შემოთავაზებული ვარიანტიდან ერთ-ერთი: ა) 6*40 კვ.მ. ბ) 8*30 კვ.მ. გ) 10*24 კვ.მ.

IB. მოკლე ინფორმაცია

ზრდა პროექტი არის USAID-ის მიერ დაფინანსებული 5-წლიანი პროექტი, რომელსაც ახორციელებს Chemonics International. პროექტის მიზანია ცხოვრების დონის ამაღლება სამიზნე თემებში და ადგილობრივი სუბიექტების - მოწყვლადი ოჯახებისა თუ მიკრო, მცირე და საშუალო საწარმოების (MSMEs) კვალიფიკაციის, პროდუქტიულობისა და ქსელების გაძლიერება, რათა მათ შეძლონ წვლილის შეტანა ფართომასშტაბიან ეკონომიკურ წინსვლაში. ზრდა პროექტი ხელს შეუწყობს მიკრო, მცირე და საშუალო საწარმოების (MSMEs) ზრდა-განვითარებას, გაზრდის სოფლის მეურნეობების შემოსავლის გამომუშავების შესაძლებლობებს და წახალისებს მწარმოებლებსა და



მყიდველებს შორის საბაზრო კავშირების დამყარებას საბაზრო ეკონომიკის გაძლიერების მიზნით. შედეგად, ზრდა გაზრდის შემოსავლებს როგორც მიკრო, მცირე და საშუალო საწარმოებისთვის, ისე საოჯახო მეურნეობებისთვის, შექმნის სამუშაო ადგილებს და აამაღლებს ცხოვრების დონეს სამიზნე თემებში.

სსიპ - საარსებო წყაროებით უზრუნველყოფის სააგენტო, რომლის ოფისი განლაგებულია შემდეგ მისამართზე: თამარაშვილის ქუჩა 15ა, თბილისი 0177, საქართველო. სააგენტოს მიზანია იძულებით გადაადგილებულ პირთა – დევნილთა და სტიქიური მოვლენების შედეგად დაზარალებულ და გადაადგილებას დაქვემდებარებული ოჯახების სოციალურ-ეკონომიკური პირობების გაუმჯობესების ხელშეწყობა საარსებო წყაროების შექმნის გზით; დევნილთა და ეკომიგრანტთა სოციალურ-ეკონომიკური მდგომარეობის გაუმჯობესებისა და ინტეგრაციის მიზნით, მიზნობრივი პროექტების/პროგრამების შემუშავება და განხორციელება.

IC. პროგრამის დეტალური აღწერილობა

პროექტი ზრდა და სსიპ საარსებო წყაროების სააგენტო მხარდაჭერას სთავაზობს საქართველოს ოკუპირებული ტერიტორიებიდან იძულებით გადაადგილებულ პირთა, განსახლების და ლტოლვილთა სამინისტროს, „სახლის შესყიდვის პროგრამის“ ფარგლებში დაფინანსებულ ბენეფიციარებს სასათბურე მეურნეობის მოწყობის კუთხით.

აღნიშნული ინიციატივის ფარგლებში, მოეწყობა დაახლოებით 20 ერთეული 240 კვ.მ. ზომის სასათბურე მეურნეობა. განმცხადებელს შესაძლებლობა მიეცემა აირჩიოს სამი ტიპის სათბურიდან ერთ-ერთი: ა) 6*40 კვ.მ. ბ) 8*30 კვ.მ. გ) 10*24 კვ.მ.

საგრანტო პროგრამის პირობებით სათბურში მოსაყვანი კულტურები შეზღუდული არ არის და განმცხადებელს, საკუთარი კომპეტენციიდან გამომდინარე, შეუძლია თვითონ გააკეთოს არჩევანი. მიუხედავად ამისა, განმცხადებლის მიერ შემოთავაზებული კულტურების სასათბურე მეურნეობის პირობებში მოყვანა უნდა იყოს რეალური და განხორციელებადი, როგორც მოკლე, ისე გრძელვადიან პერსპექტივაში.

თითოეული საგრანტო განაცხადის დაფინანსებისათვის სააგენტოს წილობრივ მონაწილეობად განსაზღვრულია სასათბურე კონსტრუქციის, ბენეფიციარის კუთვნილ მიწის ნაკვეთზე მისი ტრანსპორტირებისა და მონტაჟის ღირებულება, არაუმეტეს 5 000 ლარისა. პროექტ ზრდას თანამონაწილეობა სასათბურე ფირისა და ვენტილაციის სისტემის, ბენეფიციარის კუთვნილ მიწის ნაკვეთზე მისი ტრანსპორტირებისა და მონტაჟის ღირებულება, არაუმეტეს 5 000 ლარისა, ხოლო ბენეფიციარის თანამონაწილეობა არ უნდა იყოს 900 ლარზე ნაკლები.

სააგენტო და პროექტი ზრდა გამარჯვებული პროექტის დაფინანსებას განხორციელებს გამარჯვებულად გამოვლენილი ბენეფიციარის მიერ საკუთარი წილობრივი მონაწილეობის შესრულებისა და სათანადო დოკუმენტაციის წარმოდგენის შემდეგ. განმცხადებელს უფლება აქვს, თავისი წილი თანამონაწილეობის დასაფარად მოიძიოს დაფინანსების ალტერნატიული წყარო.

აპლიკანტის თანამონაწილეობა: ყველა აპლიკანტი ვალდებულია გასწიოს ფულადი კონტრიბუცია, არანაკლებ 900 ლარისა. შრომითი ან სხვა რაიმე სახის თანამონაწილეობა, რომელიც პროექტის განსახორციელებლად იქნება საჭირო, უნდა შესრულდეს ბენეფიციარის მიერ, თუმცა მისი განფასება არ განხორციელდება.

ხარჯების დეტალური გადანაწილება წარმოდგენილია დანართში E.



აპლიკანტის ფინანსური კონტრიბუცია უნდა დასტურდებოდეს შესაბამისი დოკუმენტებით, რომლებიც უნდა წარუდგინოს სააგენტოს. გთხოვთ გაითვალისწინოთ, რომ კონტრაქტის გაფორმების შემდეგ, ზრდასა და სააგენტოს მიერ ნაკისრი ვალდებულებების შესრულებამდე, ფინანსური კონტრიბუციის გაწევა უნდა მოხდეს შერჩეული აპლიკანტ(ებ)ის მიერ.

ID. ნორმატიული / მარეგულირებელი რეგლამენტები

ზრდა პროექტის გრანტები ეფუძნება აშშ საგარეო საქმეთა შესახებ კანონისა და USAID-ის წინასწარი დირექტივების სისტემას (ADS). ორგანიზაციებმა უნდა შეასრულონ [ADS თავი 303](#), საფუძველზე წარმოდგენილი სახელმძღვანელო, „გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID [სტანდარტული დებულებები აშშ არასამთავრობო მიმღებებისთვის](#), ასევე ზრდას გრანტების გაცემის შიდა პროცედურებს.

ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ის მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ:

- 2 CFR 200 [ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე-ნაწილი E](#) (აშშ აპლიკანტები მთლიანად ექვემდებარებიან 2 CFR 200)

CFR 200 სრული ტექსტში იხილეთ: http://www.ecfr.gov/cgi-bin/textidx?tpl=/ecfrbrowse/Title02/2cfr200_main_02.tpl

ზრდა პროექტმა უნდა უზრუნველყოს, რომ USAID-ის საგრანტო სახსრების მიმღები ყველა ორგანიზაცია დაიცავს ზემოთ მითითებულ სახელმძღვანელო პრინციპებს, რომლებიც ვრცელდება მათი გრანტების პირობებსა და დებულებებზე.

USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

ნაწილი II – განაცხადის შევსება და წარდგენა

IIA. ინსტრუქციები აპლიკანტებისთვის

აპლიკაციების მიღების ვადად განსაზღვრული 1 თვე 2018 წლის 30 მარტიდან 2018 წლის 30 აპრილის ჩათვლით. საჭიროების შემთხვევაში დასაშვებია განაცხადების მიღების გაგრძელება გონივრული ვადის ფარგლებში. გამარჯვებულად გამოვლენილ ბენეფიციარებთან გაფორმდება ხელშეკრულება.

გამარჯვებულად გამოვლენისა და საგრანტო ხელშეკრულების გაფორმების შემდეგ, ბენეფიციარი ვალდებულია ხელშეკრულებით გათვალისწინებულ ვადებში შეასრულოს საკუთარი ვალდებულებები.



განაცხადის შემოტანა შეუძლია:

1. განმცხადებელი რეგისტრირებულია სამინისტროს იძულებით გადაადგილებულ პირთა მონაცემთა ერთიან ბაზაში და მისი სტატუსი აქტიურია;
2. განმცხადებელს პროგრამით გათვალისწინებული საქმიანობის განხორციელება დაგეგმილი აქვს იმ მიწაზე, რომელიც სამინისტრომ სახლის შესყიდვის პროგრამის ფარგლებში, სახლთან ერთად შეუძინა.
3. განმცხადებელი მუდმივად უნდა ცხოვრობდეს იმ სახლში, რომელიც სამინისტრომ სახლის შესყიდვის პროგრამის ფარგლებში შეუძინა.
4. განმცხადებელი ცხოვრობს ზრდას სამიზნე მუნიციპალიტეტში
5. განმცხადებელს საკუთრებაში აქვს 240 კვ.მ. სათბურის მოწყობისთვის საჭირო მიწა

აპლიკანტებმა უნდა წარმოადგინონ

1. სრულყოფილად შევსებული საგრანტო განაცხადი. ფორმა სრულყოფილად შევსებულად ითვლება, თუ ყველა კითხვაზე ამომწურავი პასუხია გაცემული.
2. განმცხადებლის პირადობის დამადასტურებელი საბუთის ასლი;
3. იმ მიწის ამონაწერი, რომელზეც უნდა განთავსდეს სათბური. (გამარჯვებულ ბენეფიციარს ხელშეკრულების გაფორმების ეტაპზე დაევალება განახლებული ამონაწერის წარდგენა.)

IIB განაცხადის წარდგენა

განაცხადი წარდგენილ უნდა იქნას ქართულ ენაზე.

განაცხადების წარდგენა/ჩაბარება შესაძლებელია ბეჭდური/ხელნაწერი ფორმით ზრდა პროექტის ოფისებში, შემდეგ მისამართებზე:

გორი, სტალინის 27

რ. ლაღიძის ქუჩა #3, ზუგდიდი (საქველმოქმედო ჰუმანიტარული ცენტრი “აფხაზეთის” ოფისი) ,
მარნეული , რუსთაველის 48

ახმეტა, ლესელიძის ქუჩა 36

თბილისი, ნ.რამიშვილის ქუჩა I ჩიხი 9

განაცხადში აუცილებლად უნდა მიეთითოს მოთხოვნის (RFA) # **049-2005-007-S-2018**.

განაცხადები წარდგენილ უნდა იქნას არაუგვიანეს 2018 წლის 30 აპრილისა, 18:00 სთ.

დაგვიანებული ან შეუსაბამო განაცხადები არ განიხილება.



ნაწილი III. განაცხადის შეფასება

პროგრამის ფარგლებში მიღებული განაცხადების შეფასება ხდება ორ ეტაპად. პირველ ეტაპზე დგინდება განმცხადებლისა და განაცხადის შესაბამისობა პროგრამით გათვალისწინებულ საკვალიფიკაციო მოთხოვნებთან. მეორე ეტაპი გულისხმობს საპროექტო განაცხადის არსებით შეფასებას.

საპროექტო განაცხადი განხილვის მეორე ეტაპზე გადავა პირველი ეტაპის წარმატებით გადალახვის შემთხვევაში.

III.A. განაცხადის შეფასების კრიტერიუმები

სრული განაცხადები შეფასდება კრიტერიუმების მიხედვით, რომლებიც მითითებულია ქვემოთ ცხრილში:

შეფასების კატეგორია	მაქსიმალური ქულა
შემოთავაზებული საქმიანობისთვის მიწის ნაკვეთის შესაბამისობა და გამოსადეგობა (სარწყავი წყლის, ელ-ენერგიის და საგზაო ინფრასტრუქტურის ხელმისაწვდომობა	10
განმცხადებლის გამოცდილება სასათბურე მეურნეობის წარმართვის, შემოთავაზებული კულტურის მოყვანის და სხვა (უნდა შეფასდეს საარსებო საქმიანობის პროექტის წარმართვისათვის საჭირო ტექნიკური/ბიზნეს უნარები და ცოდნა. უპირატესობა მიენიჭებათ მსგავსი პროექტის განხორციელების გამოცდილების და/ან პოტენციალის მქონე კანდიდატებს.)	30
პროექტის განხორციელებადობა (ნათლად ჩამოყალიბებული საპროექტო იდეა / განაცხადი პროექტის განხორციელების შედეგები ნათელი და რეალისტურია.)	20
პროექტის ხარჯთეფექტურობა (ფერმერის მხრიდან ფინანსური თანამონაწილეობა; ფერმერის მხრიდან არაფულადი თანამონაწილეობა)	20
პროექტის მდგარდობის შეფასება. სამიზნე ბაზარი და პროდუქციის რეალიზებასთან დაკავშირებული გათვლები	20



მაქსიმალური ჯამური ქულა	100
-------------------------	-----

ნაწილი IV. ინფორმაცია გრანტის მიღებისა და ადმინისტრირების შესახებ

გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს ეცნობებათ მათი განაცხადების თაობაზე მიღებული გადაწყვეტილების შესახებ.